


DS  
793  
S32C523  
1865  
v.10

|   |      |
|---|------|
| 册 | 10 止 |
| 卷 | 2    |







孫廣福妻吉氏孫廣祿妻朱氏咸豐三年福祿客曲  
沃遭髮匪之亂兄弟皆遇害二氏聞之號慟欲絕  
時年皆二十有八俱無子姑且老同心竭力誓守  
柏舟奉姑備極恪謹一門雙節里人豔稱之現年  
皆五十有七

王正滿妻衛氏二十二歲夫亡子幼有姪三人失怙  
恃氏育子撫姪畧無區別子文塊中年早逝孫甫  
五齡媳劉氏二十有八孝慈兼盡克嗣前徽衛八  
十歲卒劉現年六旬世稱雙節濟美



趙宇堆妻李氏二十九歲夫亡有子璜方八齡氏矢志撫養授室後璜又夭遺一孫甫週歲媳李氏亦守貞不貳氏儀型孀媳抱撫幼孫辛苦萬狀卒年六十有七

王喜春妻劉氏二十五歲孀居守志撫孤父母欲奪而嫁氏痛哭流涕誓不再適壽八十有五子發生媳景氏二十二歲亦孀貞心守節克嗣前徽現年七旬時稱二難

梁可利妻韓氏年二十五夫亡梁可聖妻蘭氏年十



六夫亡各生一子俱幼韓謂蘭曰守節吾事也况撫此藐孤宗祀攸賴非異人任也我姊姒當其勛不敢二蘭氏敬諾遂和睦紡績完雙節撫二孤卒成立焉韓氏六十餘歲卒蘭氏七十六歲卒時稱妯娌同心松筠勵操

衛巨瑞妻裴氏生子沼瑞卒氏年二十矢志撫孤沼長娶晁氏舉一子甫三月沼又逝晁年二十有七侍衰姑孝內外無間言撫幼子勵冰霜裴年七旬戚鄰以寶婺常輝匾其門晁亦五旬有餘兩世堅



貞道光丙午歲荒出穀十餘石以賑鄉鄰人尤稱其德云

辛小位妻史氏二十一歲夫亡守義誓不他適撫有一女于歸數年亦失所天素承母教不肯再醮氏年近古稀女亦年屆五旬同勵冰霜後先媲美

生員張六翮繼妻程氏事親孝翮亡氏二十八歲二子俱幼教養成立冢嗣受室後亦天媳韓氏二十有七恪承姑志共懍柏舟程氏現年五十有六韓氏五十有五雙節萃於一門鄉人兩賢之



崔興讓伯母李氏生母孫氏俱二十五歲而寡同心  
守義誓言有變節而負我儀者非人也數十年妯  
娒和諧務勤儉育子孫今李氏八旬晉一孫氏年  
已八秩猶勤紡績可謂兩美爭輝

程謙翼妻楊氏二十八歲守節七十餘歲身故子嵩  
山早逝媳楊氏二十五歲守節七十六歲身故兩  
世冰霜時稱雙美

裴曉子妻史氏三十歲夫故矢志靡他養子以延宗  
祀子復亡媳梁氏年二十七稟承姑訓亦不再醮



姑六十一而終媳現年五十有九雙節萃於一門  
高崑妻鄭氏年二十五夫故撫子成立子尋逝媳薛  
氏年二十五同姑守義卒年四十有八姑現年七  
旬晉一一門雙節人咸稱之

楊過學妻任氏年二十八夫故撫孤守節內外無間  
言卒年九十有一子天錫早逝媳任氏能繼姑志  
二十一歲守義七十一歲壽終撫姪爲嗣備歷艱  
辛人稱冰霜聯兩世節孝萃一門

王璟妻因氏二十九歲夫故苦節自貞撫姪如子足



未踰閩鄉里罕識其面現年五十有六

鄭西泮妻楊氏年二十八夫故孝事孀姑和睦妯娌

教子永安英年入泮苦節四十年卒以夫貴

詔封宜人

監生馬家駒妻李氏二十三歲而寡矢志守節以禮

自閑卒年七旬有餘

生員賈華妻焦氏二十四歲而寡日夜悲慟累年不

絕卒年六十一歲

賈永泰妻樊氏二十三歲夫故誓不再醮撫姪爲嗣



恩義兼至卒年六十二歲

盧鐘祥妻李氏二十四歲而寡孝事嫜姑宛若間頗  
相能守義五十年卒

田積慶妻任氏二十三歲夫故守貞茹苦現年五十  
歲

焦成栞妻張氏二十三歲而寡矢志冰雪現年七十  
四歲

馬步月妻蘇氏二十六歲而寡守節四十餘年卒

僧生裴先庚妻張氏二十八歲守貞無子取姪爲嗣



孝事姑嫜誓不再醮卒年五十有四

張海妻劉氏二十九歲守貞家貧勤紡織孝事舅姑

撫孤子成立六十二歲而卒

劉建庚妻鄧氏貞靜寡言笑二十九歲失所天勵節

茹荼聞者韙之卒年六十歲

李士元妻何氏二十九歲夫故子方襁褓氏守義撫

孤俾成立焉現年七十九歲

增生姚紹虞妻解氏二十七歲夫故矢靡他志甚篤

撫遺孤俾克成立現年七十三歲



張鏞妻因氏二十七歲守貞親老無子撫姪爲嗣復  
逃逸氏獨力措拄勤苦紡績事姑嫜以孝聞卒年  
六十一歲

監生甯寶廷妻迪氏年二十九卽失所天誓不再醮  
事姑嫜得其歡心訓子有方卒年六十七歲

廩生楊瀛秀繼妻衛氏二十五歲夫亡無子嗣以姪  
氏拊畜訓迪一如己出有以再醮諷者輒厲聲拒  
之勸者愧服卒年六十二歲

從九趙大鵬妻迪氏二十五歲而寡誓不毀節任機



絲撫藐孤辛苦萬狀卒年五十二歲

增生閭長青繼妻張氏二十三歲夫亡矢志堅貞現年六十二歲

賈楷妻劉氏二十二歲而孀痛欲身殉姑嫜再四勸諭始飲泣延生嗣以姪甫生三月氏撫育恩勤一如所生卒年三十五歲

生員賈槌妻焦氏二十一歲而寡撫姪爲嗣矢志茹苦非不得已足未嘗出閭妯娌繩其拘氏泣言曰未亡人敢與諸娣姒擬耶聞者爲之改容現年五



十歲

張遇合妻楊氏二十八歲夫亡無子衰翁年踰八旬  
氏內外經紀竭力養親翁沒葬如禮卒年四十歲  
王致中妻郝氏二十三歲夫亡無子奉衰姑內外操  
作辛苦萬狀現年五十餘歲

閻自立妻王氏十七歲而寡綦貧無嗣誓死不渝有  
勸以再醮者輒泣拒曰余應有二天乎卒年五十  
一歲

薛德順妻李氏二十一歲夫亡冰霜自勵誓不他適



卒年五十八歲

監生李守愚繼妻張氏二十四歲夫故遺腹子六月

而生矢志撫孤冰霜凜然卒年六十六歲

蘇鴻耀妻宋氏二十九歲而寡家綦貧氏撫孤成立

不易操守現年五十二歲

甯吳科妻楊氏二十八歲夫客外無音耗有子方齠

齠而殤取姪爲嗣紡績自勤始終不易其節年七

十一而卒

曹安易妻甯氏二十六歲而寡矢志守節翁姑妯娌



以敬以和合家四十餘口咸無間言族鄰有匱乏者輒賙卹之子開基業武遊庠亦賴氏嚴訓之力云現年五十有三

梁天炳妻任氏二十九歲夫故姑患癱疾氏朝夕奉養姑恙霍痊教養子孫恩義兼盡現年八十五歲  
李登魁妻裴氏年二十而寡守節五十年始終不渝  
甯馬兒妻王氏二十九歲夫亡無子惟夫弟是依未幾沒氏隻身獨處毫無異志現年六十二歲

趙榮茂妻朱氏二十九歲夫亡無子閉戶茹苦雖鄰



里罕觀其面現年六旬有五

劉懷兒妻趙氏二十七歲夫亡子幼仰食十指矢志撫孤有調以易節者涕泣弗應現年六旬有四

王仲寬妻高氏二十六歲夫故親老子幼氏飲冰茹苦孝慈兼盡夫素所出貸未償者悉焚其券現年

五十歲

趙立兒妻楊氏二十二歲夫亡子幼氏柏舟矢志紡

紉撫孤現年八十歲

徐德鄰妻任氏二十四歲夫亡親老子幼勤苦紡織



事畜咸宜現年六十五歲

姚達順妻陳氏二十九歲夫亡親老子幼冰霜自勵  
事親以孝撫子以慈現年七十四歲

蘇側妻張氏二十一歲夫故茹蘖含冰至老不渝現  
年七十歲

任福元妻甯氏二十五歲而寡姑老無嗣紡織以奉  
旨甘現年七十歲

杜錦繡妻趙氏年二十一夫亡無子孝事翁姑備極

色養守節三十餘年卒



馮建邦妻李氏二十四歲夫亡子方二歲有勸之嫁者涕泣不答翁性嚴峻氏勤苦紡織以備甘旨子鳳樓入邑庠孫四長亦遊泮僉謂氏德所致云

段秉鑑妻鄭氏二十八歲夫亡誓不再嫁孝事翁姑

慈愛子姪子昌炎遊武庠現年七十六歲

原定國妻牛氏年二十一夫故矢志靡他取姪爲子

撫養成立歲歉出粟賑飢卒年六十有五

韓永興妻巨氏年二十一而寡家貧姑老奉養無缺

育子以延宗嗣守苦四十餘年卒



吳永堂妻翟氏二十八歲夫亡家貧姑老子尙襁褓氏上事孀姑下撫幼嗣毫無異志現年五十有九馬士驥妻裴氏三十歲守節孝事翁姑撫孤成立卒年五十有八

馬士瀛妻胡氏年二十六而寡勤紡織以孝翁姑現年七十歲

薛大利妻馬氏年二十四夫亡家貧乏嗣氏勤紡織饜糲糠守節四十餘年卒

薛徐彥妻田氏二十九歲夫亡家貧親老勤紡績以



供養殯卒年六十有四

從九崔永祚妻張氏年二十九守節紡織勤儉撫子  
及夫弟俱成立卒年六十二歲

馬若和妻聶氏年二十八夫故矢志靡他現年七十  
三歲

孝廉方正杜作樞繼妻駱氏年一十九歲夫亡守節  
十九年卒

張作肅妻王氏年二十六夫故守節四十九年卒

樊貴妻王氏年二十二而寡親老乏嗣紡績以奉翁



姑始終不倦現年七十四歲

樊上迎妻馬氏二十七歲而寡親老無子氏孝事翁姑得其歡心現年七十一歲

喬振綱妻李氏年二十而寡孝事翁姑愛育子姪卒年六十二歲

楊聲先繼妻解氏二十八歲夫亡事姑以孝聞撫前室女如己出卒年三十八歲

李世隆妾薛氏年二十五夫亡子幼飲冰茹蘖撫養成立現年五十二歲



張銘妻蘇氏年二十四而寡孝親撫子守貞不渝現年六十二歲

蘇東華妻李氏年二十六夫故矢志守節始終如一年六十歲而卒

王二賓妻張氏二十七歲守節親老子幼克盡孝養始終不怠現年六十二歲

程發貴妻西氏二十八歲而寡姑老子幼家道拮据氏孝親服苦保節撫孤卒年七十有五

李天錫妻程氏二十三歲而寡親老子幼事畜無間



茹苦四十年完節而卒

生員胡懷清妻羅氏年二十七而寡親老子幼氏紡績勵勤糟糠度苦卒年六十六歲

李天授妻張氏二十八歲而寡安貧守節卒年五十二歲

原永和妻蘇氏二十九歲而寡無子取姪爲嗣宗祀攸賴現年六十歲

胡作權妻李氏二十一歲而寡屏絕華飾勤理家務足不出戶者三十年族鄙罕識其面



馬自福妻杜氏年二十三而寡翁老家貧子方三歲  
氏孝親撫孤勤苦紡織宛若間頗相能現年七十  
五歲

舉人張久安妻裴氏三十歲而寡誓不二夫孝事翁  
姑和睦妯娌撫猶子爲嗣父早逝氏再撫孤孫終  
不易節現年六十有二

解凝祿妻杜氏二十九歲夫亡守節五十餘年

李銘妻原氏二十五歲而寡孝事兩姑各得歡心庶  
姑年已耄耄氏侍寢不離者十餘年有姪六人早



失怙恃撫之皆如已出卒年六十二歲

白天佑妻鄭氏年二十三夫亡家貧子幼氏勤苦紡績撫養成人守節三十餘年

馬來渥繼妻杜氏年十九夫故親老無子抱姪爲嗣撫養成立兼能得翁姑歡現年五十五歲

解士昌妻趙氏年二十五夫亡惟育一女孝養翁姑誓無他志卒年七十八歲

鄭盛賢妻楊氏二十九歲夫故家貧三子俱幼恩勤撫育俾皆成立後家道少裕孫曾繁衍僉謂氏之



苦節所致云現年七十有三

生員杜炤生母楊氏二十六歲夫亡誓靡他志事嫡  
如事姑訓子炤早歲遊庠現年五十有八

趙之璧妻裴氏年十九而寡孝事翁姑和睦妯娌閉  
戶紡績鄰里罕識其面卒年六十六歲

賈守璋妻閻氏二十五歲而寡現年六十九歲貞同  
松柏歷久不渝

賈懋德妻焦氏二十四歲夫故守貞始終不渝卒年  
七十三歲



焦煥然妻段氏二十四歲而孀杜門守志里人罕識  
其面七十三歲卒

樊有功妻武氏二十三歲夫故子方襁褓飲冰茹苦  
撫孤成立卒年七十七歲

薛德和妻張氏年二十三歲夫故苦節自持六十七  
歲而卒

張居寬妻李氏二十二歲而寡無子家貧敬事衰姑  
以紡織供旨甘姑亡鬻產送終一遵禮制現年六

十一歲



焦照豆妻杜氏二十八歲而寡孝事舅姑和處妯娌  
守節二十七年卒

蘭譜妻李氏二十九歲而寡子女俱無事親孝待諸  
姪恩義兼至現年六十有五

焦佩蓮妻張氏二十三歲而寡性貞靜不苟言笑雖  
孤苦無依誓不再醮現年七十三歲

生員蘭明心妻閻氏孝舅姑睦妯娌二十八歲夫故  
七十九歲而終

蘭品高妻閻氏孝事舅姑姑亡叔幼乳哺數年備極



勤劬年三十而寡七十八歲而卒

葛世筵妻蘭氏二十七歲夫亡無子矢志靡他現年  
六十三歲

蘭丁事妻葛氏二十歲夫亡無子矢志靡他現年五  
十四歲

葛瞻淮妻閻氏二十九歲而寡撫嗣子成立現年五  
十九歲

楊爾拭妻劉氏年十九而寡家貧子方逾歲矢志撫

孤勤織紡家漸小康現年八十一歲



田康泰妻梁氏十五歲于歸二載夫亡矢志守節有

李以再嫁諷者正色拒之現年五十三歲

馬徐福妻裴氏二十五歲夫故紡績以事翁姑撫嗣

子如已出現年五十歲

張虎兒妻朱氏二十五歲夫亡孝事舅姑貞潔自矢

王八十五歲而卒

程建極妻田氏十九歲守節織紡自勤撫嗣子成立

現年六十一歲

史記事妻薛氏二十一歲夫亡冰霜自矢事翁姑以



孝聞現年五十二歲

趙大統妻王氏年二十而寡事姑能得歡心撫子成立卒年五十有五

王焜繼妻樊氏二十二歲守節孝事雙親教養前房三子俾各成立卒年六十有六

李復珍妻王氏十九歲夫故遺腹生男氏上事雙親下撫孤子子景泰亦極知孝道現年五十有四

李友京妻蘇氏二十六歲夫故事翁姑孝教子尤嚴

不以孤單稍涉溺愛現年七十有二



衛漳妻楊氏二十七歲夫故越三月生遺腹子矢志撫孤翁姑妯娌咸愛敬之現年七十四歲

衛育梅妻張氏二十九歲夫故事姑甚謹撫孤子有方勤苦終身無怨尤焉卒年六十餘歲

段如岡妻裴氏二十八歲守節孝親訓子鄰里敬服現年八十歲

監生賈世魁妻郝氏二十八歲夫亡孝親守節現年六十五歲

葛亮宗妻周氏十九歲夫亡子未週歲氏安貧守節



利川縣志 卷之二 三  
矢志靡他孝事翁姑撫孤成立八十一歲卒

焦永隆妻陳氏二十九歲夫亡孝事舅姑義訓子姪  
子玉瑞入泮食餼咸謂氏德所致光緒三四年典  
質釵飾糴粟賑饑七十九歲而終

蘭毓蒲妻葛氏年二十九夫亡家貧苦節自持撫子  
成立現年六十有二

葛常武妻梁氏年十九于歸數月夫爲捻匪傷斃有  
勸其嫁者嚴拒之孝事孀姑三十二歲而卒

葛春源妻薛氏年二十二夫亡子方週歲含冰茹苦



撫孤成立現年六十有九

蘇魁元妻蘭氏二十二歲而寡取姪爲嗣撫養不啻  
已出現年五十有一

舉人任化龍妻楊氏二十八歲夫亡二子俱幼氏以  
慈代嚴訓迪督課均賴成名現年六十有四

任薛子妻白氏二十二歲夫亡於外子未週歲氏茹  
藥含冰撫子成立遣扶夫櫬得還葬焉卒年六十  
有一

生員雲風會妻孫氏二十八歲夫亡取姪爲子不幸



天亡氏痛雲氏乏嗣爲族弟雨集娶妻以延宗祀  
歲荒出粟賑饑不待勸勉現年五十有八

鄭瑤妻姚氏二十六歲而寡守節三十年沒

孫祿娃妻王氏二十一歲夫亡孝事翁姑取姪爲嗣  
復早逝零丁孤苦卒年五十有三

喬高翔繼妻王氏二十八歲而寡姑老子幼孝慈兼  
盡屢遭強暴不爲所污年五十二而卒

原繼憲妻何氏二十七歲夫亡家貧子女俱幼氏紡

織無養享年九十有二無疾而終



薛盛輝妻姚氏三十歲夫亡沈靜寡言笑事姑以孝聞卒年七十有二

馬步煥妻閻氏二十九歲夫亡翁老子幼氏仰事俯畜孝慈兼盡卒年六十有七

裴溫妻李氏二十八歲夫亡孝事孀姑年五旬有奇而逝

王若桐妻劉氏二十九歲夫亡孝事翁姑慈撫幼子守節四十餘年

王煌妻高氏二十六歲夫故勤苦紡織撫遺腹子成



立卒年四十有八

閻居寬妻劉氏二十三歲夫故志矢金石卒年六十

有一

劉可儀妻衛氏二十七歲而寡親老子幼孝慈兼盡

現年八十有七

薛可良繼妻馬氏三十歲守節孝翁姑和妯娌猶子

爲嗣恩勤撫育俾得成立卒年六十有六

王介賓妻楊氏年二十九夫故家貧乏嗣惟勤女紅

現年六十有三



曹好仁妻南氏年二十六夫亡無子誓不再適翁年  
七旬精神矍鑠以乏嗣故勸置遶室舉一子母輒  
亡呱呱者無所依氏視如己子苦心撫育俾克成  
立卒年八十鄉人勒石以旌其節

從九品姚瞻雲母解氏二十三歲夫亡遺腹生雲辛  
勤撫雲成立雲亦以孝聞同治六年捻匪入境雲  
因衛母被害賊重雲孝而釋其母母因悼子尋卒  
時年六十餘歲

段登殿妻朱氏年十九而寡事衰姑得其歡心撫姪



爲嗣恩義兼盡七十歲而卒

黃閣妻段氏二十三歲夫亡無子惟嫂是依未幾嫂亦沒子女俱幼撫之如己出現年七旬鄉人匾其門曰苦節可嘉

李初登妻段氏年二十八夫亡姑老子幼克盡孝慈卒年六十歲

閻小喜妻裴氏年二十夫亡守節五十餘年孝事翁姑撫姪爲嗣邑侯李公旌其門曰節婉陶姜

州同張銘妾胡氏二十八歲夫亡已之子與嫡子俱



幼氏事嫡如姑越數年子又殤惟嫡子是依矢志  
守節現年六十歲

增生鄭純儒繼妻李氏二十九歲夫亡無子茹蘖含  
冰始終懔懔姿行高潔鄰里敬服尤精於醫全活  
無算鄉人有神婆婆之譽保嬰救赤尤所擅長卒  
年八十有二奉 旨旌表

張積功妻楊氏二十六歲而寡先是積功就傳豫省  
尋沒柩歸氏觸棺欲死姑泣勸曰吾老矣孫又幼  
事事需汝豈可以一死塞責迺奉姑撫子孝慈兼



盡居夫喪寢苦百餘日現年五十六歲

王得公妻李氏二十八歲夫故守節三十餘年事姑無倦色教子讀書不令改業終歲紡織怡如也

王執中妻賈氏二十三歲夫故遺子甫周歲尋子又殤悲痛殊甚終不變志年八十二無疾而卒

郭玉鳳妻李氏二十七歲而寡甘貧勵節撫二子俱成立卒年六十有八

史懷禮妻賈氏二十二歲夫亡子甫二歲氏撫子成立家道漸致豐裕八十四歲而終



王衍慶妻張氏二十九歲夫故家貧子幼氏茹苦育  
子子旋殤以姪生員啗鳳爲嗣視如己出現年七  
十一歲

馮晉蛟妻陳氏二十七歲而寡家貧無子撫姪爲嗣  
勤紡織以度日子業商家道漸豐諸姪向與析居  
者感氏賢復同爨焉年七十七無疾而終

王建合妻吉氏二十四歲而寡親老無子撫姪爲嗣  
盡孝養勵冰霜卒年五十有八

王九光妻吉氏二十八歲而寡家貧姑老勤紡織以



奉菽水撫姪爲嗣恩義兼施現年五十餘歲

任鎮科妻史氏二十四歲而寡事姑以孝聞現年五十有五

崔錦珩妻孫氏二十九歲而寡教育三女悉皆貞靜  
現年五十有二

任彩彥妻郭氏二十七歲夫故遺腹生一子有勸以  
易節者峻拒之含冰茹苦撫子成立守節三十餘  
年卒

高宣妻馮氏二十五歲夫故姑老子幼兼有外祖姑



貧乏不能自存氏竭力奉事無缺禮撫子成立家  
道漸豐人謂氏之苦節所致現年六十餘歲

史立兒妻楊氏二十二歲夫故上事老姑下撫遺腹  
子咸得其道現年踰八旬矣

史曾敏妻吉氏年三十而寡家貧二子俱幼撫育教  
訓次子凌雲早歲入泮現年七十有五

曹有種妻楊氏二十六歲而寡家貧子幼矢志撫養  
後各成立卒年七十有三

甯心顯妻費氏二十二歲而寡守節四十六年卒



程泰保妻張氏二十五歲而寡事衰姑婦兼子職守節數十年而卒

程好仁妻鄭氏二十九歲而寡撫子成立家道漸裕年七十有六卒

馮鴻飛妻辛氏二十四歲而寡姑老無子守貞盡孝毫無拂意現年六十有五

王景雲妻吉氏年三十而寡子方二歲親老家貧氏日夜操作能得翁姑歡卒年八旬有餘現子孫繁

衍家道豐亨皆氏所積致云



姚雷妻蘇氏年二十三夫故子僅週歲紡績訓子俾得成立卒年六十有七

何友秦妻楊氏年二十九夫亡勵志守節光緒三年歲祲啖菜食糠延保子孫現年七十有八

馬邦俊妻楊氏二十七歲而寡家貧無子取姪爲嗣撫養成人中年不祿氏勤十指度餘生終不改節現年六十有九

迪懷珠妻師氏三十歲夫亡於外子幼家貧氏艱苦撫育俾克成人現年八十有二



賀文敬妻衛氏年二十九夫亡無子取姪爲嗣尋又

早逝氏曰勤紡織撫養幼孫年九十卒

從九品吳捷元繼妻程氏年二十九守節孝事姑嫜

和睦妯娌義方訓子寬厚待人現年六十歲

薛耀清妻葛氏年二十八夫亡柏舟矢志紡績自勤

妯娌欽其和睦鄉里重其潔清現年六十歲

許建立妻薛氏年三十夫亡貞潔自守事翁姑孝處

妯娌和卒年六十有二

馬小娃妻蘇氏年二十五夫亡志勵冰霜誓不再適



七十歲而卒

解國華妻程氏年二十七而寡孝事翁姑和睦妯娌  
取姪爲嗣撫育教訓卒年五十有七

僧生楊青春妻張氏年二十四夫亡清靜自持不輕  
言笑卒年五十有五

葛養元妻李氏年二十九夫亡無子貧難度生紡織  
自勤誓不二天現年七十有三

何春暄生母鄭氏年二十七夫亡事嫡如姑遺子尙  
幼教養俾成立焉現年五十有八



羅振江妻楊氏年二十九夫亡操堅松柏節懍冰霜  
現年七十歲

田爽妾郝氏年二十七夫亡清潔自矢誓不再適嫡  
近九旬孝敬無間現年六十歲

李加科妻鄧氏年二十六夫亡子幼冰霜矢操始終  
如一現年五十有六

李捷登妻宋氏年二十五夫亡無子撫姪爲嗣俾克  
成立卒年五十有五

原應心妻加氏年二十五夫亡無子冰霜勵節年四



十一而卒

原毓松繼妻楊氏年三十夫亡仰事俯畜卒年五十

歲

季昌平妻張氏年二十三夫亡清潔持守紡織慇懃  
四十六歲而卒

監生段春甫繼妻楊氏年二十八夫亡孀居五十餘  
年卒鄉里重之

李耀宸妻吳氏年二十三夫亡柏舟自誓年三十有  
六而卒



薛積善妻李氏年二十九夫亡矢志守節卒年五十

有九

貢生焦清誓繼妻高氏年二十九夫亡撫孤守義子

柄議敘理問孫鍾玉議敘千總現年七十有餘

段象賢妻馬氏年二十七夫亡矢不再適祖母七旬

竭力奉養現年五十有八

王景祥妻李氏二十八歲而寡子女各一家貧親老

勤紡績以資養贍卒年七十有二

程福來妻王氏年二十五而寡遺腹生一子家貧姑



老食用悉出十指有甥數人餬口無資氏曲體姑  
意撫育周至年五十而卒

王樂道妻辛氏年十九而寡家赤貧抱姪爲嗣視如  
己出至老紡績不倦卒年五十有七

杜潼川妻劉氏二十八歲夫客外無耗有子十餘歲  
而殤氏紡績自養窮苦終身七十二歲而終

王孔集妻任氏十七歲于歸未週歲夫出亡不歸氏  
撫姪爲子安貧紡織茹苦終身七十九而終

王從周妻趙氏年二十二歲而寡柏舟矢志誓不再



卷之二  
三  
醮守節五十五歲而終

王在浚妻高氏二十八歲夫故義不再適志懍冰霜  
守節三十年卒奉 旨旌表

葛福海妻萬氏二十八歲夫亡無子撫猶子以全夫  
嗣六十二歲而卒

馬進喜妻馮氏三十歲而寡無子女家貧姑老氏辛  
勤紡織孝養不怠卒年五十有一

賀永策妻楊氏年二十七而寡孝事翁姑撫孤兒備

歷艱辛族黨稱賢卒年六十有三



羅永福妾王氏二十八歲夫卒無子取姪爲嗣或勸以再醮輒嗚咽流涕日勤紡績不以困苦變節現年五十歲

鄭月有妻劉氏三十歲夫亡無子取姪爲嗣事翁姑以孝待鄉鄰以寬守節十二年而卒

任朝棟妻張氏二十八歲夫亡子幼撫孤守節勤苦自勵現年六十有四

任廷選妻段氏二十九歲夫亡無子甘心守節取姪爲嗣撫育不啻己出未幾嗣子復亡氏愈苦愈貞



四十六歲而卒

楊萬林妻程氏二十九歲夫亡無子甘心守志念夫  
早失怙恃賴孀嫂撫育成立因事嫂如姑嫂病侍  
湯藥滌垢穢從無怨意現年五十有一

楊考成妻高氏二十四歲而寡姑老子幼孝慈兼盡  
姑沒遺二叔俱幼氏撫育恩勤俾各成立現年六  
十歲

文振興妻丁氏二十九歲而寡堅貞自持誓不再適  
善事翁姑翁姑沒有小姑一氏撫之如己出現年



五十有八

張曰仁繼妻高氏二十二歲夫故矢志靡他撫姪如己出事翁姑孝處娣姒和六十二歲而卒

衛殿輝繼妻張氏年十五于歸未週歲夫故矢志不移母家憐其貧欲奪之氏悲傷憤懣遂不復之母家事姑無間言撫姪如己出守節四十一年而終

賀士恒妻王氏二十八歲夫故家貧子幼紡績自度辛苦萬狀守節三十二年而終

陳效閔繼妻費氏二十二歲夫客沒於外家徒四壁



撫孤操作艱難萬狀現年六十有六

趙寬妻薛氏二十四歲夫亡冰霜勵節矢志靡他年

七十二而卒

薛獻子妻郭氏十八歲于歸甫歲餘夫故矢志不渝

紡績自度卒年五十有九

張蒙娃妻衛氏二十四歲夫故矢志靡他孝事翁姑

鄉里稱善守節四十餘年卒

王福陞妻姚氏二十一歲夫亡茹蘖含冰矢志不渝

守節四十年卒



王殿福妻薛氏二十八歲夫亡含冰守志奉姑至孝  
撫子成立現年六十有一

張王耀妻薛氏年二十九而寡無子矢志不渝六十  
四歲而卒

原登雲妻楊氏二十九歲夫故冰霜勵節妯娌相能  
撫孤俾成立焉現年六十有七

原應璧妻張氏二十七歲而寡矢志柏舟和睦妯娌  
現年六十有九奉 旨旌表

閻萬春妻李氏三十歲夫亡誓不再醮撫孤子成立



歲荒賑饑全活鄉人現年七十有七

楊萬育繼妻賈氏三十歲夫亡矢志守貞撫孤成立

治家勤儉鄰里稱賢現年七十歲

常響娃妻景氏二十六歲守貞子黃兒方八齡氏辛

苦萬狀撫養成立丁卯之變黃兒禦賊捐軀氏哀

痛成疾卒年五十有九

李登第妻任氏一十八歲夫亡痛不欲生家人勸之

始止撫姪爲嗣愛如己子事翁姑孝勤織紉好施

予每遇貧乏輒分多潤寡鄉人爲建賢孝碑卒年



七十有五

尚大濟妻常氏二十九歲夫故子甫三歲貞潔自守  
撫育成立苦節四十五年卒

尚克庸妻李氏二十九歲而孀子甫三歲隻身無依  
勤織紡兼耕作守貞養子至於成立卒年七十有

四

史自得妻何氏二十七歲而孀子女俱幼家極貧又  
無同姓之親氏守貞茹苦晝耕夕織子女賴以成  
立勵節四十七年卒



甯兆龍妻吳氏二十九歲夫故子女俱幼氏隻身撫

養俱能成立卒年五十有二

劉聯福妻史氏二十八歲夫故姑年逾八旬顛迷昏

瞶氏奉甘腴滌垢穢始終無間撫幼子俾克成立

卒年五十有八

史廷鋒妻薛氏十八歲而寡子甫二歲翁姑衰老氏

孝養兼盡歷久愈貞卒年六十有七鄉人以貞孝

匾其門

程文芝妻景氏二十七歲夫亡生遺腹子撫養成人



卒年七十歲

陳曰春妻吳氏十九歲夫亡生子甫彌月撫養成立

卒年七十有五

王檀妻景氏二十歲夫亡無子柏舟矢志毫無可議

卒年六十有五

程文傑妻吳氏二十九歲夫亡子方九齡氏撫孤守

志終始不渝現年六十有八

王世昌妻史氏十八歲夫亡子甫週歲守志撫孤至

於成立卒年六十有五



董大先妻杜氏二十五歲夫亡家貧子幼甘心守義

卒年六十有五

曹應恕妻蘇氏二十八歲夫亡家貧無子誓不他適

卒年七十有三

曹萬宗妻蘇氏二十九歲夫亡子方齟齬撫孤守義

誓不再醮卒年五十有八

王貴採妻趙氏二十六歲而孀姑老子幼負逋累累

氏鬻髮粧奩以清積債孝姑撫幼勤紡績勵冰霜

守貞四十餘年孝慈兼盡節壽雙高



趙復盛妻馮氏二十七歲夫亡撫養二孤藜藿充飢  
紡績禦寒安貧守節始終無異志年八十四歲卒  
趙朝子妻楊氏二十八歲夫亡無子敬事衰姑守貞  
不貳閭里咸稱節孝雙輝年七十三歲而終

張埃元妻任氏十六歲于歸夫婦相聚未及五稔卽  
客外無耗姑憐氏子女俱無屢令再醮氏柏舟自  
誓始終不渝六十七歲而卒

黃扶璋妻孫氏二十七歲而寡孝養雙親撫幼孤完  
苦節七十三歲而終



鄭希聖妻李氏二十七歲夫亡守志撫孤授室未幾

子媳相繼夭亡再撫幼孫完婚後孫媳又逝曾孫

方在襁褓氏又鰥哺之辛苦萬狀現年七十有七

管通申妻趙氏二十二歲而寡孝親守義撫姪成立

六十二歲卒

聶跟娃妻李氏二十一歲而寡撫遺腹子成立五十

二歲卒

段廣豐妻崔氏二十三歲而寡子方二齡氏撫孤延

嗣六十九歲卒



趙春盛妻梁氏二十二歲夫亡甘心守義撫姪成立  
年六旬有六卒

段春長妻彭氏二十六歲而寡無子因夫係螟蛉之  
人承嗣氏跪求段戶抱養族姪以延宗嗣咸謂氏  
有反璧之力現年五十有八

梁康娃妻王氏二十九歲而寡事翁姑孝守義撫孤  
不幸子又夭亡悲悼成疾卒年五十有六

段海潤妻聶氏二十九歲而寡孝事衰姑紡織度日  
茹苦終身卒年六十有三



聶永成妻陳氏二十八歲夫亡子幼兼撫遺腹子家  
徒四壁誓不再醮現年五十歲

聶松齡妻馬氏二十七歲而寡撫姪爲嗣受室後夫  
婦相繼早逝孤孫方襁褓氏苦心撫育之尋又夭  
亡現年七十零丁孤苦形影相弔

監生李文煥妻聶氏二十一歲而寡親老子幼克盡  
孝慈親沒獨力營葬育子有成茹苦四十餘年卒

崔登瀛母段氏夫沒之日年二十有六誓言之死靡  
也後鄰溫有勸嫁者氏曰盟可寒也如我特何媼



悚然不敢再語現年五十有六

鄭始元妻衛氏二十九歲而寡祇有一女撫姪爲嗣  
完婚後又夭亡再撫孤孫丁丑大祲復沒於荒形  
單影隻梵梵無告現年七十有一

監生文天池妻鄭氏年三十而寡孝事衰姑姑沒獨  
力營葬撫有三子俾皆成立苦節已三十三年矣  
段新魁妻趙氏二十七歲而寡孝事翁姑撫育幼子  
茹苦三十餘年卒

陳海守妻李氏二十六歲而寡無子一女誓不二天



勤紡織養衰姑今年已五十矣

李美兒妻陳氏二十四歲而寡甘貧守節孝養衰姑

現年五十有二

段廣業妻馬氏二十一歲而寡撫姪成立以延夫嗣

年七旬有三卒

趙林輝妻馬氏二十二歲而寡勤儉致富善事翁姑

克賑貧乏卒年五十有一

趙養貴妻陳氏二十五歲而寡子方四齡撫孤守義

視前女如己出現年六旬有四



從九原體綱妻裴氏二十二歲孀居無子矢志守節  
孝事翁姑有勸之嫁者輒嚴詞拒之姪步魁早失  
怙恃氏撫育成立克遊武庠孫鵬舉英年入泮咸  
謂氏貞德所致鄉人勒石旌之卒年八十有四

黃萬載妻李氏年十九失所天家貧子幼或勸之嫁  
氏曰我嫁呱呱者將焉依黃氏其不祀乎因堅貞  
自矢勤紡績撫育成立卒年六十有三

黃克享妻喬氏二十八歲而寡取姪爲嗣教養兼盡  
七十三歲卒



黃步達妻張氏年十八失所天有子方數月冰霜矢  
志誓不再適接妯娌以和撫孤俾克成立苦節四  
十餘年卒

承德郎邢國棟妻鄧氏二十八歲孀居家貧子幼貞  
潔自守備歷艱辛撫孤子以慈接妯娌以和守節  
四十餘年鄉人匾其門

李重華妻張氏二十九歲夫亡無子誓不再醮孝事  
翁姑操井臼勤紡績不以艱苦易其節卒年六十

有三



李承祖妻楊氏二十九歲夫亡子幼矢志靡他事姑以孝撫孤以慈卒年七十有三

李先登妻宋氏二十四歲夫亡無子家赤貧守節不再適以紡績自活鄉人賢之卒年六十有六

李天德妻喬氏年二十六而寡家赤貧無子女貞潔自守孤苦伶仃始終不改其節卒年四十有四

李乾妻唐氏二十九歲夫亡誓不再醮事姑以孝聞撫遺子俾克成立年四十有二卒

李世管妻薛氏二十八歲夫亡善事衰姑撫孤俾克



成立家雖赤貧不易其守卒年六十有四

生員李含章妾白氏二十八歲夫亡子幼苦節自守

誓不再適勤儉治家義方教子現年六十有七

任尙清妻景氏三十歲夫故三子俱幼氏守節撫孤

勤勞不怠苦節五十六年卒

楊樂妻劉氏二十歲夫故氏柏舟矢志苦節堪欽卒

年五十有七

喬一成妻姚氏二十七歲夫故織紡度日撫孤成立

卒年七十有六



劉育德妻蘇氏二十五歲夫故保節撫孤身兼耕織  
守苦五十八年卒

任永妻劉氏二十二歲夫故子方襁褓隻身撫孤且  
耕且織茹苦五十三年卒

任樹德妻牛氏二十三歲夫故守志撫孤終身不倦  
卒年五十有七

喬藝林妻任氏二十八歲夫故家極貧子又早逝取  
姪爲子撫育成立守節六十三年卒

盧一千妻喬氏二十八歲夫故採薪汲水晝耕夜織



艱辛備歷始終不二守節五十四年卒

姚全立妻李氏二十四歲夫亡姑諷以再醮氏痛哭

欲絕姑復慰之始延喘息誓不他適取姪爲子撫

養成人現年五十歲

原璫母何氏二十七歲夫亡子幼家貧紡織存活九

十歲而終

黃宗直妻屈氏年二十八夫故家貧服苦孝養翁姑

撫族姪延夫嗣年六十有四卒

黃淇妻楊氏年三十夫故撫姪爲子嫂性悍頻遭侮



辱恒委曲承受終無他志嫂亦感其貞輒善遇之  
卒年五十有八鄉里稱賢婦焉

生員張倓妻王氏年三十而寡無子孝養孀姑恪遵  
婦道現年花甲已週其人冰心宛在

侯樂兒妻鄧氏年二十夫故取姪爲子孝養翁姑貞  
潔自守寡言笑勤紡績鄉里稱賢現年七十有三  
吳喜桂妻郭氏二十九歲守節矢志靡他始終無間  
年七十卒

彭萬琳妻崔氏二十六歲夫亡子方三歲守貞撫幼



孝事姑嫜現年七十有二

馬光先妻薛氏二十八歲夫亡子幼家人每刻薄相

嘗氏貞固不搖勤勞撫孤今六十有二孫男蕃衍

鄉里稱善

程創文妻劉氏二十一歲夫亡守貞茹苦始終不渝

五十四歲卒

程思正妻趙氏二十七歲守節現年七十有六年愈

邁操愈堅

韓友郊妻史氏二十九歲守節家貧以紡績養姑六



十一歲卒

韓映山妻郭氏三十歲而寡守節四十年卒

韓家樂妻陳氏二十八歲守節六十餘歲身故孤苦

零丁艱辛備歷

衛臨川妻李氏二十歲夫亡撫養胞姪以延夫嗣守

節六十年卒

劉相魁妻辛氏二十八歲守節七十四歲身故冰霜

自勵苦節堪欽

段載采妻王氏二十八歲守節現今六旬晉八年愈



邁節愈貞

郭自儉妻李氏二十五歲夫亡守節六十五年無疾而逝

郭廟元妻甯氏二十七歲而寡矢志靡他不負儀特年七十有六卒

郭學通妻趙氏二十九歲夫故守義三十餘年含冰茹蘖歷久愈貞

郭奠海妻張氏二十八歲守節八十歲沒青年茹苦

皓首全歸



黃復憲妻王氏二十六歲守貞事翁姑撫幼子無負  
儀特鄉里重之以苦節衍宗匾其門年七十有八  
卒

張吉占妻梁氏二十四歲失所天子女俱無孝養翁  
姑勤紡織勵冰霜現年六十有五

馬有光妻劉氏年三十而寡甘貧撫幼未幾子又夭  
亡節愈苦操彌堅六十一歲卒

賈善述側室李氏年三十夫亡事翁姑無間孝養訓  
子媳咸有義方溫厚勤儉鄉鄰稱善現年六十有



三

馬稱德妻劉氏二十六夫亡守義撫孤以慈代嚴海  
尋遊庠皆賴氏訓六十二歲而終

馬呈瑞妻楊氏二十五歲而寡無子女事嫂如姑撫  
姪如子冰霜勵操至老益堅卒年六十有一

薛振海妻衛氏二十五歲夫亡矢志撫孤義不再適  
年七十餘卒

張虎虎妻朱氏二十四歲夫亡孝事翁姑以家  
貧乏嗣颯其再醮氏矢志不搖命愈蹇節愈貞卒



年八十有一

張興旺妻章氏二十六歲夫亡現年六十有四教子

成立柏節松齡

張育惠繼妻程氏二十八歲所天見背孀居四十九

年節壽雙高

僧生張宜庚妻薛氏二十四歲夫亡翁姑垂暮賴氏

紡織以供養娘孀居二十七年孝盡節完

胡占元妻范氏二十三歲夫亡孀居二十年鄉里稱

賢



胡占鰲妻甯氏二十二歲卽失所天孀居三十年守

節堅貞治家勤儉

李徐呆妻趙氏二十六歲夫亡無子家貧親老勤紡

績負薪汲水孀居二十餘年節勵冰霜心如鉄石

張採鳳妻李氏年二十三寡敬兄嫂慈猶子勤儉勵

節年六十餘而終

劉日耀妻楊氏年二十六夫故守節撫孤卒年八十

有二

賈壹松妻彭氏二十四歲夫亡堅貞自守撫孤成立



現年八十有一

八品銜段國俊妻張氏姑老子未成立所天見背氏年二十八孝慈兼盡現年六旬晉一苦節彌貞

段史娃妻李氏家貧儀特不祿氏年二十有三守貞安遇度苦如飴現年五旬稱未亡人者已二十有八載矣

李漸妻梁氏年二十夫亡無子孝事舅姑撫姪如己子受室後不祿氏再撫幼孫其遇愈苦其心愈貞現年五十餘歲



監生李盛元妻劉氏二十六歲夫亡子甫三歲氏矢志撫養俾克成立今年六十有五

李學孟妻張氏二十九歲夫亡子未週歲老姑在堂氏事姑以孝教子成立辛苦備嘗始終不渝卒年六十有二

董功爾妻段氏二十七歲夫亡子幼氏矢志撫養期待成立今年六十餘歲鄉人咸欽其貞節云

趙廣茂妻董氏二十五歲而寡淒涼勤苦貞操甚堅年逾花甲望之凜然

年逾花甲望之凜然



朱學福妻薛氏年三十失偶貞心自矢誓不再適今  
蒼顏白髮苦節愈貞

蘇鳳耀妻李氏二十四歲夫亡子甫週歲家貧姑老  
氏貞節自矢撫子成立姑患病十餘年身勤紡績  
以供養殮不以貧而少拂其意卒年五十餘歲

蘇雙茂妻衛氏二十六歲夫亡無子貞節自矢取姪  
爲嗣卒年六十有九

李作棟妻張氏十九歲夫亡無子撫姪爲嗣勤十指  
以給衣履現年七十一歲



李高山妻鮑氏二十歲夫亡無子家貧姑老奉養無  
闕姑沒柩在堂每食必薦身勤紡績以爲營葬之  
資取姪延嗣壽七十餘歲而終

王國棟妻孫氏二十六歲夫亡無子甘心守義事翁  
姑孝取姪爲嗣撫育成立現年六十六歲

薛改成妻李氏二十五歲夫亡子幼貞潔自矢孝事  
翁姑撫子成立七十二歲而卒

趙信娃妻陳氏二十八歲夫亡生遺腹子貞潔自矢

撫孤成立卒年六旬有三



陳效閔妻史氏三十歲夫亡家貧子幼矢志自守孝  
事翁姑勤女工養幼孤辛苦備嘗現年六十八歲  
衛光煥妻張氏二十九歲夫亡誓不再適貞節自矢  
撫子成立卒年七十二歲

郝應俊妻鄭氏三十歲守節事孀姑孝勤紡績善女  
紅撫孤成立宗祀賴以不墜現年六十歲

劉小流妻張氏二十歲守節姑老子幼家綦貧勤紡  
績仰給十指撫孤承歡始終不渝卒年七十餘歲  
翟景和妻楊氏事翁姑孝恪守婦道二十九歲夫亡



誓不再適撫姪爲嗣年七十卒

楊狗子妻薛氏二十歲夫亡家綦貧子未週歲誓不

再醮甘荼蓼任紡績撫孤授室未幾子亦物故孤

苦終身卒年六十有一

王清佐妻郝氏三十歲夫亡貧苦無依子方數歲氏

守節撫孤紡績不倦卒年六十有餘

杜澤繼妻段氏二十一歲夫故生遺腹子誓不再醮

孝事衰翁營葬如禮晝耕夜紡撫子成立卒年五

十有八



杜朝五妻蘇氏三十歲夫亡子幼翁老家貧兼撫幼  
姪幼孫氏奉養恩育晝夜作苦力愈瘁心愈貞終  
始如一卒年七旬有餘

張更娃妻吳氏二十四歲夫亡子女俱在襁褓撫育  
成立誓不再適現年七十有四

張清和妻王氏年十八夫亡甘心守節始終不渝卒  
年六十有餘

王居祥妻吉氏二十四歲夫亡事衰姑撫幼子備嘗  
艱苦年七十歲而沒



邢平炎妻吉氏二十九歲夫亡守義不渝上養衰姑  
下撫幼子俱盡其道卒年五十歲

邢可風妻王氏二十七歲夫亡家貧無子勤紡織以  
事衰姑誓志靡他卒年六十歲

李效賢妻張氏二十七歲夫亡無子撫猶子爲嗣養  
育訓誨一如己出孝事姑嫜和處妯娌家人尊服  
事咸稟命鄉鄰嘖嘖稱善壽八十二終

薛福英妻李氏二十八歲孀居守貞不二事衰姑孝

撫幼子慈處叔姪妯娌和厚公平現年七十有三



李茂春妻景氏二十七歲失偶子九齡氏撫孤守義  
善事翁姑鄰里親戚兩匾其門曰節孝並崇筠操  
鶴姿年六十七終

曹淑選妻薛氏年十九而寡生子立志甫彌月氏堅  
貞自守矢志靡他享壽七十八歲子入成均五孫  
蕃衍人以爲苦節所致

曹立模妻馬氏二十五歲夫亡子幼氏撫孤守志節  
儉勤勞現年六十有一

薛尙達妻曹氏十九歲夫亡子方週歲家計蕭條氏



茹苦守貞勤紡績撫孤成立現年六十有二

甯振先妻劉氏二十四歲失偶子幼氏撫孤全嗣有欲奪者即以死誓今子已成立現年六旬有四

張遼妻趙氏二十二歲夫故家貧無子撫堂孫延宗嗣就塾課讀勤十指以備脩脗之費年七十有六而卒

劉振綱妻翟氏十八歲夫故越五月而生仰古氏矢不二天撫子成立艱辛萬狀仰古亦曲體親心克

勵孝行時稱母節子孝



劉科兒妻衛氏二十七歲夫故子幼介節自持撫孤成立年至六旬而終

任春發妻黃氏年十九而寡上事翁姑誓不二天卒年五十有二

趙永隆妻李氏二十九歲而寡六十二歲而卒茹苦育孤守貞不渝

孫金梁繼妻崔氏性貞靜撫前房子如己出二十六歲夫亡哀姑在堂氏甘心守義奉養無闕現年五十有五



段允福妻張氏二十三歲夫亡子幼家貧姑老氏守

貞安命不以艱苦易其節現年五十有二

楊楨妻張氏二十九歲夫亡矢志守貞翁姑衰老氏

勤紡績致甘腴子方襁褓教養成立現年八旬晉

一

黃鍾秀妻朱氏二十六歲夫亡勤儉持家甘貧守志

或有勸之他適者曰倘再醮再寡其如命何卒年

六十有五

段振岑妻鮑氏二十五歲守節誓不他適無故足不



出戶姑病滌垢除穢數年無間言內外咸稱其孝  
卒年八十一歲

王景鳳妻蘇氏二十八歲守貞勤紡績操井臼老而  
不懈卒年八旬晉一

吳櫃兒妻李氏年二十八而寡孝養翁姑誓不二天

現年五十七歲

白悅恒妻王氏年二十一夫亡乏嗣有勸其再適者  
氏涕泣不應撫姪爲子克延宗祀卒年七十有三  
從九張建章妻薛氏二十一歲而寡孝事翁姑勤績



紡撫幼孤堅貞自持現年六十一歲

賈方圓妻薛氏二十一歲夫亡五月生遺腹子矢志  
不奪竭力事親誠心撫幼卒年六十有九

王禮之妾張氏二十八歲夫亡無子撫姪孫綿宗祀

七十五歲卒

段美來妻楊氏二十三歲孀居矢志靡他卒年七十

一歲

賀蒙憩妻傅氏年二十七而寡遺孤兩歲立志守節

誓不再醮六十三歲卒



秦昌鎖妻段氏年二十二而寡子生方五月氏堅心  
守節育養成人娶妻延祀卒年七十二歲

甯宗師妻黃氏二十三歲而寡今五十有九孝以事  
親慈以撫幼節凜冰霜始終不渝

甯魁元妻岳氏二十八歲夫卒六十九歲身故青年

守義至老彌篤

甯永盛妻權氏年二十五夫亡今年已六十貞潔自

守節壽雙高

甯心顯妻薛氏二十六歲而寡矢志守貞撫姪延祀



六十九歲而終

李廷瑾妻趙氏二十四歲夫亡事翁姑孝處妯娌和

撫子成立現年五十三歲

賈景開繼妻趙氏二十九歲夫亡守節二十一年卒

馬三慎妻管氏二十七歲夫亡三子俱幼撫育成立

卒年七十有三

薛剛穩妻馬氏三十歲夫亡撫姪爲嗣矢志不渝現

年六十有三

甯鍾傑妻王氏進士王作極孫女二十五歲所天見



背子未週歲氏醵哺俾成立兼得含飴之慶現年六十有一

甯法榮妻蘇氏二十五歲夫亡無子嗣以姪家綦貧業紡績爲活茹苦四十餘年卒

甯法勇妻黃氏十九歲于歸甫一載夫故矢志靡他適之母家姪婦輩以謔語相嘗氏正色拒之聞者相顧縮頸無子撫姪爲嗣如已出現年五十有七甯友白妻薛氏孀居時年二十有六子方襁褓氏躬翼爲卜援繫生有三子而逝氏再撫孤孫艱辛備



歷諸孫咸資成立春秋八十有二卒

甯遇道妻段氏年二十而寡子未週歲氏撫孤守義

適子以痘殤氏以尋逝卒年三十二歲

王大海妻裴氏年二十八夫故矢志守貞始終不渝

卒年六十有三

薛清蘭妻馬氏二十二歲夫亡孝親撫孤辛苦備嘗

卒年七十有六

從九解珍妻王氏二十八歲夫亡無子翁姑欲奪其

志氏守義自誓勤績紡供旨廿年四十卒



監生賈世魁妻郝氏二十八歲夫兄俱客死甘省姑  
老子女俱無有諷之他適者氏曰吾事二夫人而  
禽者也且袁姑在堂將焉依聞者敬服尋備川資  
遣姪赴甘與觀歸克終大事現年六十六歲

梁朝文妻劉氏三十歲夫亡守義撫孤勤苦終身卒  
年七旬有九

從九梁朝棟孀室賈氏二十三歲夫亡無出矢志守  
貞撫猶子爲嗣卒年七十有九

王定順妻何氏二十二歲夫亡事姑孝甘貧撫孤柏



舟自誓子復早逝撫姪一如已出現年五十有五  
馬景元妻王氏年三十歲夫亡事姑孝撫孤慈守貞  
不貳卒年五十四歲

崔廷棟妻段氏二十六歲夫亡奉衰姑十餘年備極  
孝養現年五十有五

庠生衛一元繼妻郭氏二十九歲而寡七十八歲而  
卒矢志守貞始終不渝

衛來復繼妻任氏年十八夫亡矢志冰雪苦節堪欽

現年六十有三



翟元辰妻任氏二十九歲夫故守貞不貳現年六十  
六歲

張君盛妻何氏二十三歲夫故撫孤成立志潔守堅  
卒年六旬有七

高宏第妻黃氏年十八守義子方襁褓翁姑欲奪之  
氏誓不再醮孝親撫孤三年之久並母家亦未至  
焉翁姑欣然曰有婦如是復何慮焉卒年七旬有  
餘鄉黨翕然稱善

陳徐賞妻張氏二十六歲守節子女各一勵冰霜勤



織紡撫育弱孤俾有家室卒年五十有六

陳朝楹妻張氏二十四歲夫亡矢志撫孤歷久不渝

現年五十畧無疑議

薛悅安妻梁氏三十歲夫亡越數日生遺腹子保節

撫孤教養兼施現年五十有一

鄧位成妻徐氏十八歲守義八十四歲而終夫亡甫

四日舉一子飲泣哺翼孝事姑嫜家貧服苦備歷

艱辛方謂遭逢不偶淚眼當枯那知節操堪欽貞

心宛在



吳登科妻程氏二十七歲夫亡子幼誓不再醮孝以  
事姑慈以撫幼卒年五十有七

迪紹亮妻馮氏二十九歲夫亡親老子幼備嘗辛苦  
守義四十五年而終

薛永泰妻史氏二十七歲夫亡子方七齡誓志靡他  
孝事翁姑慈養幼子俾克成立四十七歲卒

迪紹仲妻程氏二十七歲夫故矢志守節事親以孝  
聞教子有義方鄉人賢之卒年六十有九

迪學詩妻姚氏三十歲夫亡子幼家計蕭條勤紡織



以自活撫孤教養兼盡茹苦四十年如一日

龔清彥妻楊氏二十八歲夫亡子幼貞潔自守撫孤教養兼施年四十有二卒

牛射斗妻薛氏十八歲夫卒無子誓不再適孝養翁姑和睦妯娌取姪爲嗣宗祀賴以不墜年三十歲卒

牛化龍妻劉氏二十歲夫亡子幼勵苦節撫遺孤俾克成立卒年三十有五

吳明德妻程氏年二十而寡節懍冰霜久而不渝現



年五十有三

吳觀廷妻張氏十九歲夫亡無子鄰婦諷之他適氏峻聲拒之守節五十四年卒

郭通順妻周氏二十二歲夫亡無子事翁姑孝處妯娌和五十七歲卒

吳復升妻甯氏二十二歲夫亡子幼守義撫孤誓不他適卒年七十有九

吳吉慶妻張氏二十四歲夫亡守貧安命服苦撫孤孀居五十餘年卒



陳景中妻吳氏二十八歲而寡六十四歲而終撫孤

勵節艱苦備嘗

馬萬堂妻吳氏二十九歲夫亡子幼守苦育孤始終  
不渝卒年五十有七

甯根暖妻吳氏十九歲夫故子幼孝事舅姑撫孤成  
立守節四十九年卒

史作棟妻周氏二十八歲夫亡子女俱幼甘貧守義  
族伯史森憐其苦給田五畝氏親穡事勤女紅撫

子成立現年五十四歲毫無物議



衛文炳妻邢氏三十歲夫亡無子取姪爲嗣恩勤鞠育一如已出奉翁姑以孝聞茹苦五十餘年無疾而終

賈有福妻辛氏年二十餘夫亡子幼姑性甚峻時以厲語相嘗試氏誓不再醮孝親撫孤始終不渝卒年五十有五

賈建福妻高氏三十歲而寡無子嗣以姪視如已出身親耕織守義三十餘年卒

辛鸞元妻張氏二十六歲而孀無子嗣以姪視如已



出事實姑孝姑性峻善怒嘗逐氏另度氏投溫承  
愉姑感其孝復與同炊永無間言卒年八十有三  
馮景梅妻辛氏年二十餘夫亡生遺腹子撫育成立  
苦節自守矢志不渝現年六十歲

王雙喜妻崔氏年二十四夫亡無子誓不再醮現年  
六十有五猶謹婦道人咸重之

王汝英妻孫氏二十二歲而寡無子誓不二夫事親  
以孝聞勤紡織歷艱辛現年五十有四鄉里稱賢

婦焉



衛拾穩妻王氏二十六歲夫卒守義孝事翁姑撫養  
子女雖餬口不給從無怨言卒年五十有二

盧却子妻趙氏二十一歲夫故事姑無違訓孤有道  
年五十有二卒

史三王妻賈氏二十餘歲孀居守志撫孤茹藥三十  
餘年毫無物議

孫廷翼妻王氏二十五歲而寡生有二子次子後於  
人長子早逝氏貧苦無依丁丑大祲幾難延生妹  
丈監生賈繼珍憐其貞潔不時餽遺賴以保全今



年已五十猶謹執婦道弗衰焉

程太保妻張氏二十六歲而寡孝事翁姑撫姪爲嗣  
延師課讀悉資紡織學使張以松齡柏操旌其門  
現年七旬晉一

梁宗堯妻張氏二十八歲夫客死於秦無子女家綦  
貧晝耕宵織服苦爲活稍有蓄積輒遣人輿夫櫬  
歸葬焉小姑二遇之甚厚現年六十有五形影相  
弔節愈苦操愈堅

王如鏡妻喬氏年二十而寡貞靜自守接女伴從不



爲戲謔語撫孤成立家道寢昌現年五十有三

甯先登妻吳氏年二十七夫故無子取姪爲嗣事孀姑曲盡孝道貞潔自守從不與鄰婦輕往來防其以謔語相嘗也茹苦三十餘年卒

翟鴻儒妻薛氏二十三歲而寡誓心勵節善慰姑心三十六歲卒

高仲妻蘇氏二十五歲而寡孤身度日紡織自勤年六十九而卒

鄭良妻馬氏二十一歲夫亡翁姑衰邁子方週歲茹



苦守貞孝慈兼盡五十六歲卒

鄭仰輝妻段氏二十六歲夫故姑老子女俱幼氏盡

孝養完婚媾心力俱瘁操守愈堅四十七歲卒

鄭春鰲妾甯氏二十六歲夫亡保節撫孤家道寢熾

三十九歲卒

鄭和春妻梁氏二十三歲夫故無子翁姑衰老氏備

極孝養始終如一六十八歲卒

樊作楫妻黃氏二十七歲夫故守貞盡孝姑患癰症

呻吟牀席氏曲盡孝養適得歡心卒年六十有三



鄭濃娃妻張氏三十歲而寡家貧無子孝事翁姑勤紡織以度日茹苦四十餘年卒

張安春妻鄭氏二十五歲夫故家貧守義上事姑嫜下撫幼孤五十歲卒

張壺錫妻武氏二十八歲夫故親老子幼孝養兼至守貞二十五年卒

張三壺妻焦氏二十四歲而寡甘貧守義誓不他適養姑撫子始終無間茹苦三十六年卒

薛德和妻李氏十八歲夫故冰清雪潔慕義樂施適



值捐建廟宇慨出囊貲三十五金村人義之爲立

石焉卒年五十有八

張五五妻穆氏三十歲夫故室如懸磬紡織自勤終

身無異志年五十有五卒

趙忠儉妻李氏二十九歲而孀家貧茹苦養孤誓不

再醮年五十有七卒

趙持德妻鄧氏三十歲夫故家貧無子撫姪爲嗣勤

紡績勵冰霜守節五十四年卒

賈鍾嶽妻楊氏二十九歲夫亡誓不他適事嫂如姑



卒年四十有三

張烈烈妻張氏二十六歲夫故家貧無子撫姪爲嗣

茹苦四十年卒

生員王省志之妾甯氏年二十七歲家主故貧士氏

甘守淡薄既無子女或有欲勸其嫁者微探之不

答病時堅不服藥志在必死寡居十有六年而終

鄭致儉妻王氏二十九歲而孀辛勤孤苦貧而彌貞

六十四歲卒

焦始然妻周氏二十一歲夫亡孝事翁姑誓不再適



年六十一而終

劉光照妻王氏進士王炳壇之女也父官京師夫亦

客都門于歸後甫舉一女尙在襁褓而所天見背

時氏年二十有二苦心勵志冰霜凜然守節十餘

年卒於京奉 旨旌表

孫樹魁妻陳氏二十六歲守節孝事姑嫜主中饋致

甘腴服苦勵節老而彌篤現年七十有四

文有舍妻王氏二十四歲而寡家赤貧苦節自守奉

姑以孝聞現年八十餘歲



監生任福德妻董氏二十六歲夫亡孝翁姑和妯娌  
守節撫孤服苦如飴現年五十有七

任有爲妻午氏二十三歲夫故撫孤服苦矢志不渝  
以勤儉致小康現年五十有一

任開泰妻高氏二十九歲守節孝事姑嫜慈撫幼子  
現年五十門內肅然

徐新平妻任氏二十歲守節堅貞自矢處困若亨撫  
育嗣子俾克成立現年六十有五

任迺東妻楊氏二十四歲守節撫猶子如已出冰霜



自矢老而彌堅卒年七十有七

黃文治妻李氏二十九歲守節堅貞自矢懍若冰霜

現年六十有二猶紡績弗輟

黃麟祥妻任氏二十一歲守節撫姪如己子境愈困

心愈貞現年五十有六

任朝元妻楊氏二十四歲而寡貞潔自守皎若冰霜

撫養嗣子恩義兼至卒年七十有一

楊聲宏妻段氏二十歲守節賦質貞靜以禮自閑慈

撫幼子訓教有方現年六十有四



李維翰妻白氏十八歲孀居七十歲完節勵冰茹雪  
不負儀特

李徐呆妻趙氏二十六歲而寡家貧親老子女俱無  
氏守貞盡孝始終無貳卒年五十餘歲

李喜天妻薛氏二十餘歲而孀家貧子幼姑恐有他  
志微辭諷之氏泣曰媳薄命以致夫夭衰姑無依  
藐孤焉託世多負心人氏不爲也遂勤紡織盡孝  
養守貞度苦稱未亡人者五十餘年

楊金川妻王氏年二十而寡無子家貧事衰姑撫猶



子勵冰霜勤織紡守節三十年卒

范平基妻衛氏年十九守義親老子幼氏奉養無缺  
教訓有方現年五十有四

彭克洪妻呂氏所天不祿十七齡見背我儀之死靡  
他五十載有光予美卒年六旬晉七苦節特立無  
雙

監生呂表章妻楊氏十七歲而寡矢不二天撫前子  
如已出語言不苟紡織自勤現年六十有三

呂曰陞妻趙氏二十九歲而寡苦節自持矢志靡他



事翁姑以孝訓子女以嚴現年五十有二

董大璫妻史氏年二十六而寡誓不再醮同炊三十餘口肩內政三十餘年處妯娌御臧獲任勞服苦內外稱賢卒年八十有五鄉人立石以旌其節

董九君妻樊氏年二十四而寡守義養親姑失明曲意承順者三十餘年晚歲氏目明如少年咸謂孝姑所致年七十有七卒

董種玉妻呂氏年二十六而寡家貧守志織紡度日孀居四十七年卒



段潤棠妻馬氏年二十五夫故守節撫孤俅克成立  
卒年五十有六

監生段自守妻楊氏年二十九夫故貞靜自守事姑  
甚得歡心撫堂姪爲嗣教養兼盡現年五十有九

馬浮江妻聶氏二十六歲夫故無子孝事姑嫜克終

大事紡績度日苦節彌貞年六十有三卒

武生郝三俊妻楊氏二十九歲夫亡二子俱幼越七

日復生一子艱苦守義撫孤成立事繼姑尤以孝

聞卒年六十有九



王九風妻呂氏二十二歲夫故無子取胞姪爲嗣視  
如已出事翁姑孝孀居已四十七年矣洵稱節壽  
雙高

張偉業妻任氏二十五歲而寡無子事翁姑孝妯娌  
和睦勤儉貞潔始終無異志鄉人稱賢孝焉卒年  
六十有三

王鹽妻李氏二十九歲夫亡二子俱幼服苦卵翼事  
孀姑以孝著聞夫弟某已析炊矣夫婦皆亡子女  
無依氏恩育如已出卒年八十有餘鄉人稱道弗



衰

王志有妻汪氏二十二歲而寡生子甫週歲矢志守

貞訓子有方鄉人製匾以旌其節卒年五十有三

梁易妻霍氏年二十九夫卒親老子幼紡績度日終

身不改節卒年八十有四子玉剛善承母志丁丑

大祲出粟活人

薛金妻越氏年二十六夫故無子女慈撫猶子勵節

彌貞卒年五十有九

薛德銓妻吉氏年二十六夫亡清操自勵孝事翁姑



無子繼以姪丁丑大祿家計蕭然忍飢活子能延  
夫祀壽七十有九卒

王樑妻李氏夫亡家貧無子氏年二十有二賴紡績  
以侍翁姑取姪爲嗣視如己出卒年五十有五里  
閭稱賢孝焉

張吉泰妻武氏生女二夫卒氏年三十歲破屋數椽  
甘貧守義有以微語相嘗者曰爾屋將圯若之何  
氏曰屋圯吾得瘞矣言者爲之咋舌現年五十有

五



何根兒妻楊氏夫亡子幼氏年二十有五事親孝撫孤慈年已五旬終無異志

王堃繼室樊氏十六歲于歸靜好六年生一女而夫亡撫前房三子教育有方婚嫁以時子若媳亦能克盡孝道得氏歡心四十年來一堂和睦卒年六十有七

聶雙喜妻段氏二十三歲而寡無子守義事孀如姑現年五十有五

段振經妻羅氏二十九歲而寡卵翼幼孤教養成立



稱未亡人者十六年鄉人賢之

賀長泰妻王氏夫亡子幼氏年二十有九孝事翁姑  
貞潔自守撫弱孤勤紡績茹苦已四十年矣人無  
間言

王立雲妻黃氏事翁姑孝翁客死西陲氏擬還旅櫬  
勸夫往甫至夫亦沒氏時年二十有一聞訃即欲  
身殉旋念骸骨未歸冒昧輕生非計也因甘心守  
義賴叔父某輿柩旋里氏妥營葬現年五十有四  
鄰里稱賢婦焉



趙海妻王氏翁姑早世衣櫛蕭然夫亡二子俱幼氏年二十有八甘貧守志撫養弱孤未幾二孤俱亡形影相弔人不堪其苦勸之他適氏誓曰薄命無狀屢遭天譴再嫁而嫠重吾辱也守貞安遇死不取二現年六十餘歲鄉人咸高其節

趙辛卯妻徐氏性沉靜事翁姑孝二十六歲夫故子方弱齡氏紡績撫孤啖糟糠勵冰霜現年六十有五晚節彌高

處士王承林之妻侯氏年二十六喪夫有繼母在堂



子方一歲替夫勤苦撫孤小心謹慎敬事其姑三年如一日年至七十三而終

加生琴妻張氏年二十九夫沒生二子幼守志撫孤不肯再醮事翁姑以孝聞年九十一而終操守始終不渝

楊時裕妻丁氏年十八而寡時方有娠誓以柏舟生子根深撫養成立以延夫嗣現年七十餘歲節操彌堅

呂萬經妻原氏年二十九夫故子甫三齡家甚拮据



氏晝耕夜紡無間寒暑教子成立家道漸裕守節五十年卒

王森妻翟氏二十二歲守節撫姪爲嗣甘貧度苦後嗣子外出無耗媳又早世弱孫尙在襁褓氏抱養成立備歷艱辛年七旬有三卒

王作幹側室李氏十七歲而孀孝親撫子守貞不渝勤謹和順動嫻女儀年五十有五卒里人嘖嘖稱

賢

解萬承妻景氏十七歲于歸事姑孝夫多病親侍湯



藥無少懈三十歲夫故二子一女俱幼家又貧耕  
織撫養備歷艱辛夫堂弟五歲失怙恃撫如己子  
完婚媾鄰里稱賢卒年七十有二

楊吉慶妻張氏事姑孝夫故無子取姪爲嗣時年二  
十有八守義四十三年卒

張尾把妻薛氏十七歲守節八十餘歲卒閭里稱節  
壽雙高

史發檜繼妻楊氏二十六歲夫亡無子哀痛欲死旋  
念姑老需人輕生非計爰懔冰霜奉晨昏年五十



有四卒

黃丕顯妻張氏二十二歲夫亡數月生一子撫養成

立事翁姑以孝聞現年六十歲

史斗林妻解氏二十五歲夫亡家貧矢志靡他現年

五十有三

李吉娃妻張氏年二十五守節七十二歲而終

李平安妻焦氏年二十八守節五十六歲而卒

蘭三合妻段氏二十四歲夫亡家貧親老資織紡以

奉菽水姑喜其孝而憐其苦諷以再嫁哭曰媳所



不能一日忘者死者耳且親老媳去如親何更何以對死者比翁姑沒葬畢遂不食七日而死

王智民妻胡氏夫病漸氏嗚咽誓與同死夫尋沒氏亦投繯聞者驚服

晉大治妻陶氏夫沒誓不獨生自備衣食仰藥而死

段穩河妻王氏年甫十九咸豐七年九月因段二喜調姦殞命穩河聞於官尋奉 詔建坊旌氏貞烈

### 二喜論死

段士英妻郝氏夫死於狼親爲含殮大痛盡哀自縊



以殉里人駭之詢其故知夫婦生前誓同生死氏之死尋舊盟也噫鐵中錚錚不圖於巾幗中遇之李祿兒妻薛氏年二十九夫故家貧子幼矢志柏舟後舉一孫子開泰亦亡氏與媳陳氏勤務鍼指撫育孤孫氏年六十四卒陳氏亦懍冰霜人稱雙美史承用妻賈氏年甫二十值丁卯捻逆之亂遇賊於途欲辱之捐軀投井節烈堪風

陳易江妻郭氏丁卯之變恐賊脅迫女三歲同時投井捐軀



張繼順妻毛氏丁卯髮匪入境諸婦咸議投井氏獨  
謂做婦人須乾淨死於井未免拖泥帶水耳遂尋  
高崖坐其上賊來懼辱觸石而死

翟維精妻史氏史天保妻程氏翟集岫妻薛氏翟難  
兒妻喬氏翟友福女小果翟藝妻張氏丁卯捻逆  
之變共據一井甫見賊至皆恐被辱俱投井身死  
甯銘登妻楊氏丁卯髮賊紛竄氏據井呼罵顛撲而  
墜賊下之以石碎其首殞焉

胡煥然妻梁氏丁卯捻逆竄擾氏閉戶將自縊適賊



破扉而入欲辱之氏厲聲大罵遂遇害焉

甯全淑妻薛氏二十八歲孀居同治六年髮逆過境  
逼辱不屈自刎完節

劉森茂妻王氏同治丁卯冬捻匪入境避之遇諸途  
時年十九度不免躍於井適賊縱遠颺家人覓之  
端立井中不食已七日矣猶知呼母及出脚指盡  
脫延月餘而沒苦楚之狀聞者莫不酸鼻

朱松岳妻費氏年二十八同治元年流匪竄擾汾南  
被逼不屈投井身死



高登科聘妻李氏年甫十六捻匪過境從父母避難  
遇賊於途賊掠之馬上女顛撲至再罵不絕口爲  
賊所傷聞者悲之

甯學貴妻李氏丁卯捻逆之變被逼不屈投崖身死  
甯都親妻陳氏丁卯捻逆之變遇難捐軀投井而死  
裴茂梧妻何氏家貧夫客豫同治六年捻逆犯境鄉  
人俱逸氏守事病姑不忍遠離時母亦垂危賊稍  
緩之母家視其母俄而逆勢復張肆行劫掠母度  
不免沒於井氏大哭數聲亦投井身死



吳卓章妻薛氏同治六年賊至家氏罵不絕口賊怒焚其室殞焉

甯秉坤妻吳氏同治六年捻逆入境思避其鋒偕幼子二女一方十五歲遇賊逼女將近氏恐爲所辱從後大呼曰不投井何待女遂墮氏與二子亦一併躍入闔家無一存者聞者咸流涕焉

程德剛妻趙氏同治六年髮賊入境氏抱子逃賊追至屢以刃不殺汝慰之氏據井詈罵懼不免辱遂墜井死後拯屍出猶抱子未捨云



程鏡妻裴氏性沈靜寡言笑捻匪入境氏畏逼罵不絕口投井死

姚鵬妻段氏同治六年髮匪入境氏恐爲所辱據井以待賊至罵不絕口投井死

張慎聽妻王氏同治六年捻匪入境恐爲所污投井而死越數日顏色如生時年方十九齡

生員張銘繼妻薛氏同治六年捻匪入境投井殉難  
陳元璽妻胡氏同治六年賊入境遇於吳城村氏大聲肆罵抱子投井而死時人弔曰九泉雖飲恨百



世自流芳

張仁智妻邢氏丁卯捻逆之變鄉人走入北山氏曰  
逃而遇賊無死所矣遂據井賊至大罵數聲顛墜  
而殞

楊六發女挪姐年十五值歲大禋父母餓病垂斃囑  
族人曰家有地窖瘞我所也挪姐泣曰父母俱沒  
我存胡爲亦居窖中不食而死鄰里傷之

李宜心妻原氏年二十四而寡孝事翁姑守貞不貳

丁丑歲禋沒於荒年三十有四



馬世昌妻解氏年二十六而寡無子女家淡泊仰給  
十指間以衣易粟必假娣手不與外人言有勸再  
適者惟泣而已丁丑歲荒閉戶不出人疑尙有蓄  
積數日入視則四壁蕭然已僵斃焉

張佩璫妻鄧氏二十四歲夫故撫姪爲子又早逝孫  
方襁褓氏織紡教養俅克成立年六旬有餘卒於  
荒

裴元慶妻李氏年二十七失所天事衰姑孝子女俱  
幼叔亦齟齬氏撫育成立爲叔卜援繫丁丑大祲



與子女俱沒於荒年四十餘歲

蘭紉芳妻張氏光緒四年歲荒夫餬口於外僅有一

子度難兩全因舍身存嗣不食而死

楊山林妻程氏夫亡無子女甫八歲光緒丁丑歲大

禮氏度不能免與女對泣俱投繯而死

王育文妻賈氏二十歲而寡止遺一女翁姑欲奪其

志氏誓志靡他終不改節晝奉旨甘夜勤紡績光

緒三年大禮氏年六十八歲甘餓而死聞者無不

矜惜



趙社興妻王氏十九歲而寡家貧子幼矢志靡他事  
親婦兼乎女教子慈濟以嚴子尋亡撫育孤孫不  
勝勤劬丁丑大祲投水而死時年六十有二鄉人  
服其貞烈

裴金水妻李氏二十七歲而寡紡績自度誓心不貳  
光緒三年大祲甘餓而斃

任發生妻趙氏二十一歲夫亡無子孤苦零丁誓不  
改節光緒丁丑大祲家無蓋藏年六十有四甘餓  
而斃可謂皓首赤心



賈丙辰妻劉氏夫亡子幼歲大祲母子難兩全有勸其鬻產延生者願留此以活吾兒庶宗祀不墜焉遂僵仆而斃今其子成立而氏亦因以不朽云

生員賈登鰲妻宋氏二十九歲而寡家貧無子紡績自給光緒戊寅甘餓不屈年已六旬自縊完節

馬騰漢妻李氏二十四歲而寡矢志冰雪孝事翁姑年五十沒於荒

甯鏤妻楊氏十八歲而寡家貧守義光緒戊寅大祲甘餓不屈投井自盡以完其節



王化龍妻梁氏年二十八守節無子姑老女幼家貧  
無以爲活母諷其再醮氏以死誓大褻甘餓而斃  
未嘗屈節于人卒年四十七歲

梁曰硬妻李氏二十歲夫亡奉姑撫子守貞不渝遇  
荒母子俱沒年五十有四

史耀南妻程氏二十九歲夫故貞潔自守取姪爲嗣  
光緒三年遇災完節年六十有五

黃提綱妻翟氏二十六歲夫亡家赤貧貞潔自守勤  
於紡織教二子成立了丑大褻閉戶不出餓斃完



節年六十有二

趙大智妻張氏三十歲而寡撫孤授室甫添弄孫之

慶忽增悼子之悲仰給十指撫孀媳抱弱孫丁丑

大祲度難兩全囑媳曰吾衰朽當就木矣延趙氏

祀者惟此藐孤耳當力保之遂僵卧待斃媳撫孫

跪泣曰以此斃姑命媳罪莫追矣應共死氏罵曰

愚婦不知大義倘斃吾孫吾何面目見先人於地

下不聽吾言非孝也聲色俱厲媳苦勸再四終不

食而死噫不圖巾幗中竟有見道分明如是者



王樂道妻辛氏十九歲守貞五十七歲遇荒完節

喬致愷繼妻鄭氏孝翁姑慈子女戊寅歲祲度難保全因留有餘活前室子以延夫嗣遂與所生子女相繼餓斃時論難之

王朱兒妻張氏年甫十九即失所天姑老子幼任紡績爲活撫孤成立丁丑大祲母子俱沒於荒苦節

五十六年

趙大統妻王氏年十六夫亡貞靜自守日勤紡織事姑至孝撫姪如子大祲甘餓而斃時年已六十矣



程若彩妻張氏丁丑大祲餬口不給恐爲夫累因毒子自縊而甘心焉聞者傷之

劉文華妻嚴氏賦性幽靜舉案甚莊丁丑大祲饗殮不給恐累其夫自縊完節

焦清蘭妻薛氏年七十餘丁丑大祲自知不免盛衣投繯從容死節聞者悲之

義婦某氏借騎鄰驢抱子探親驢主囑兒牽送中途遇狼欲噬鄰兒氏以子投地斥狼曰爾食吾子勿令吾難歸對鄰人也狼乃視之而去鄰兒返家後



八日竟沒於狼豈狼之傷人固有數乎然非氏舍己子以救鄰兒大義感動氏固不能晏然也

甯家莊甯雙改妻劉氏陽平村劉根院女也年二十四歲光緒三年正月二十九日結伴拾菜遇母於田適有三狼突至傷母倒地肆噬伴逸母恐傷女麾使去女不從乃以身伏母以手拒狼狼竟去母得掖歸時邑侯潘公嘉其孝能動物賚以布粟顏其門曰攫狼奪母又出示表揚以爲世之事親者勸劉氏遭荒已故家無人焉今臨屹然猶在



馮榮輝妻駱氏九歲時父大浚沒於南陽府日夜啼  
泣誓還父櫬千歸後遂同族弟前往卒能與櫬以  
歸與母合葬孝聞益著







